

## Redadeg 2020 – Galv da raktresoù

Lakaet ho peus ho mennozhioù nevez da virvilhañ ?

Gant ar c'hoant da gas da benn ur raktres a lako hor yezh da vont war-raok ?  
a gammedoù bihan pe hir met war-raok bepred ...

**Poent eo deoc'h respont d'hor galv da  
raktresoù !**

**Termen 15/06/2019 d'an diwezhatañ**

**'vit Redadeg 2020 « Deus 'ta mignon !»\* 'vo tem ar bloaz**

Peadra da vezañ awenet gant an tem-se neketa ?

Memestra pep tem ha raktres a vo degemeret, gant ma vo doujet diouzh ar reolennoù  
boaz amañ staget da heul.

**Ale, bec'h dezhi, mall zo warnomp dija gwelout ho kinnigoù nevez !**

**Brezhoneg  
ha  
Plijadur!**

\* resisadurioù war an tem-se enlinenn : [www.ar-redadeg.bzh](http://www.ar-redadeg.bzh)

## Reolennoù ar galv da raktresoù

Gallout a raio bezañ raktresoù bras ha pennañ arc'hantaouet betek 40.000 €, hag en eil, raktresoù bihanoc'h adalek 2.000 €.

Ret e vo d'ar sammad goulennet digant ar Redadeg bezañ an hanter d'an nebeutañ eus ar sammad hollek e rakbudjed ar raktres.

### Palioù ar galv. War-c'hed a betra emamp ?

- lakaat war-wel ha skoazell kenemglevioù ha kenlabour etre meur a gevredigezh
- mont war-zu sevel mennozhioù ha kinnigoù nevez o reiñ startijenn da implij ar brezhoneg hag o ledanaat tachenn ar brezhoneg
- skoazellañ an doareoù intrudu a zegas ar brezhonegañ etre ar berzhidi.
- sikour da gas war-raok mediaoù nevez evit embann hag implijout ar yezh.

### An diazezoù

Miret e vo ar raktresoù a heulio ar c'hrafoù-mañ :

- Bez e rank ar raktres implijout ar brezhoneg evel yezh kentañ ar c'hehentiñ, ha n'eo ket e-giz un arouez sevenadurel nemetken. Ret e vo deoc'h kas teuliad ar raktres e brezhoneg pe divyezhek brezhoneg/galleg pe brezhoneg/gallaoueg.
- Bez e rank ar raktres mont war-zu diorren implij ar brezhoneg, pe/ha reiñ lañs d'un ober kreñv pe war dachenn diorren implij ar brezhoneg, pe war dachenn skignañ ar yezh.

### Piv a c'hell respont d'ar galv ?

Ar c'hevredigezhioù hag an embregerezhioù a c'hell kinnig ur raktres. Ar raktresoù douget gant un hinienn a vo nac'het.

Raktresoù evit krouiñ ur skol Diwan a vo nac'het abalamour ma vez roet bewech, etre 45 000 ha 62 000 € (341 100 € abaoe 2008) da Ziwan Breizh. Ar c'hevread-se an hini eo a ver an traoù hervez an ezhommoù hag ar raktresoù a zo gantañ.

Ar Redadeg evit ar brezhoneg an hini eo, dastum a ra arc'hant evit ar brezhoneg, anat eo. Koulskoude e chomomp digor evit skoazellañ ur raktres a lakfe war-wel eil yezh Breizh, da lâret eo **ar gallaoueg**. Ur raktres evit skoazell ar gallaoueg a vo kinniget da gKuzul ar re fur evel an eil raktresoù all ma vo kinniget unan deomp (etre 2 000 € ha 5 000 € d'ar muiañ).

### Kadarnaat ar raktresoù kinniget :

- Gant Kuzul-merañ ar Redadeg emañ ar gwir da briziañ perzh mat ha talvoudegezh pep raktres. Bez e c'hello nac'hañ degemer ur c'hinnig ma kav dezhañ ne glot ket gant diazezoù ar galv.
- Kaset e vo da c'houde ar raktresoù dalc'het da gKuzul ar re fur (etre 5 ha 11 den) a brizio pep raktres hag a skrivo kinnigoù evit arc'hantañ anezho. Kadarnaet e vo dibab Kuzul ar re fur gant ar vodadeg-veur. Distag eus Kuzul-merañ ar Redadeg eo Kuzul ar re fur, bodañ a ra tud eus pep lec'h, a bep barregezh, skiant-prenet a bep seurt ganto evit kaout ur sell liesurt ha pinvidik war ar raktresoù kinniget.

## Choaz ar raktresoù

Goulenn a raimp digant Kuzul ar re fur ober e soñj diouzh ar c'hrafoù priziañ-mañ :

- kloterezh gant palioù ha temz-spered ar galv,
- implij ar brezhoneg evit sevel ar raktres,
- doare liammañ an obererien war an dachenn dibabet ganto,
- live perzh an dud e-barzh framm ar raktres hag efedusted an abadennoù,
- perzh mat ha liesseurted ar skorioù treuzkas implijet er raktres,
- ment an tiriad ha niver a dud tizhet gant ar raktres
- pegeit e pado ar raktres ha pegen gouest e vo da badout a-hed ar bloavezhioù da heul.

## Cheñchamantoù gant ur raktres dibabet

Reolenn gentañ : ret eo kas da benn ur raktres hervez ar pezh a oa meneget e-barzh an doser respont lennet ha priziet gant Kuzul ar re fur. Koulskoude ma vefe cheñchet doareoù 'zo e-barzh an doser e c'hallo Kuzul-merañ ar Redadeg dibad reiñ ar sammad prometet a-bezh pe ul lodenn deusouti hervezh ar cheñchamantoù bet graet.

## Arc'hantaouiñ ar raktresoù, penaos ha pegoulz

**Ar sammad hollek lakaet gant ar gevredigezh evit harpañ ar raktresoù a vo diouzh ar pezh a c'hallo bezañ roet goude bet graet bilañs ar Redadeg (e miz Here/Du).**

Ouzhpenn da Ziwan omp bet gouest da reiñ d'ar raktresoù etre 60 000 € ha 62 000 € e pep Redadeg abaoe 2012. **Ur sammad 65 000 € e klaskimp reiñ en dro evit 2020 (ha 65 000€ evit Diwan ivez)**

E miz Here/Du 2020, e-kerzh hon emvod-meur an hini eo e vo votet ar bilañs hag ar sammad peurglozet a c'hallo bezañ roet en-dro.

Ma vo par ar sammad-se ouzh hini gortozet e c'hallo ar raktresoù bezañ arc'hantet hervez al lodennadur raktreset. Ma vo izeloc'h ar sammad-se eget hini gortozet e vo izelaet arc'hantadur pep raktres dibabet diouzh dregantad ar mank hollek. Ma vo uheloc'h ar sammad e vo studiet ingaladur an adc'hounid en emvod-meur o vrientekaat ur "font espern" evit raktresoù ar redadegoù a zeu.

Hanter ar sammad votet a vo paeet diouzhtu da bep dalc'her raktres evit lañsañ ar raktresoù. Ar sammad a-bezh a vo paeet da Ziwan Breizh.

Nemorant ar sammad a vo paeet pa vo kaset fakturennoù deomp pe brouennoù a ziskouezo emañ ar raktres o vezañ kaset da benn pe ez eo peursevenet. Gallout a raio Kuzul-merañ ar Redadeg goulenn digant dalc'herien raktres pe digant Diwan dont da ziskouez o raktres.

Ma n'eo ket bet kaset da benn pe ez eo cheñchet betek re ar raktres, e-keñver an hini dibabet gant ar Re fur, e c'hallo Kuzul-merañ ar Redadeg chom hep paeañ an nemorant pe ul lodenn deusoutañ pe c'hoazh goulenn e vo roet en-dro an hanter-sammad a oa bet paeet.

Abaoe eo bet paeet ar rannbae e chomo **daou vloaz** evit kas da benn ar raktres. Ar sammadoù na vo ket goulennet goude daou vloaz a chomo gant ar Redadeg evit arc'hantiñ raktresoù ar redadegoù da heul.

## Deiziataer ar galv da raktresoù :

- Kas ar c'hinnigoù : **a-raok ar 15 a viz Even 2019**
- Kadarnaat ar raktresoù ha choaz ar Re fur : **miz Even /miz Gouere 2019**

**Bec'h d'ar raktresoù nevez ha kalon vat d'ar berzhidi !**

## Teuliad-kinnig

Anv an aozadur : .....

Deiziad savidigezh an aozadur : .....

Chomlec'h : .....

Kod-post : ..... Kêr : .....

Pgz : ..... Hezoug : .....

Postel : .....

Statud hervez lezenn : .....

Niver a dud gopret : KAL\* ..... \* KAL = Kevatalded postoù Amzer Leun

Ho palioù hag obererezhioù boaz : .....

Anv ha titl an den e-karg hoc'h aozadur hervez al lezenn :

Anv, pellgomz, postel an den an hini e-darempred ganeomp gantañ :

Titl ar raktres .....

Budjed ar raktres : .....Sammad goulennet digant ar Redadeg .....

### Titouroù da lakaat war wel e-barzh ho toser :

**Kinnig hoc'h aozadur :** Da resisaat ho perzhioù statudel, ho palioù pennañ a-fed tachenn-labour, hoc'h oberennoù boutin (danvez ha ment hoc'h abadennoù, ho tachennoù-labour, ho tachenn zouaroniel, niver hoc'h izili, hag kement tra a fell deoc'h resisaat deomp)

**Kinnig ho kevelerien :** Piv a genlabouro ganeoc'h ? (kevredigezhioù, embregerezhioù, tud a vicher, strollegezhioù lec'hel, ...) e-giz operataer ? Pere ? Pe varregezhioù o deus ha peseurt plas en ho raktres ?

**Kinnig ar raktres** (*resisait mat ar raktres kinniget ganeoc'h*)

- Deskivadur fetis ar raktres, e balioù, e nevezder, e zanzev, ar penaoz hag ar perag.

- Peseurt metoù ho po tro da dizhout, penaos ha perak ? Pet den a vo dedennet d'ho soñj ? e pelec'h ? Ha stag int ouzh ar raktres ?

- Peseurt pazennoù a ranko bezañ e aozadur ho raktres ? Pegoulz ha pet ez eus ? Resisait ho palioù, padelezh pep hini, stagit ur rakdeiziataer ma vez ezhomm.

**Padelezh ar raktres ha deiziataer-seveniñ** (*bloaziek pe liesvloaziek*) :

**Peadra evit sevel ar raktres, danvez arc'hantieren :** Peseurt galloud seveniñ a zo ganeoc'h, a beseurt galloudoù ouzhpenn hoc'h eus ezhomm ? (dafar, lec'h labour, implijidi, arc'hant...) Daoust ha vo kevelerien arc'hant ganeoc'h ? piv ? anavezout a rit respont ho koulenn arc'hant dija ? Diskouezit deomp ho steuñv kehentiñ/mediaioù evit ar raktres. > **stagañ ur rakbudjed dre ar munud gant yalc'hadoù resis ar skoazellerien.**

**Heuliañ ha priziañ ar raktres :** Penaos e c'hellfe bezañ priziet disoc'hoù ar raktres ez pleustrek ? Hervez peseurt krafoù lakaet da bal ?

**Teuliad da gas a-raok ar 15 a viz Even 2019 da Ar Redadeg – BL/BP15 - 35310 Morzhell/Mordelles**  
pe e stumm niverel da : [darempred@ar-redadeg.bzh](mailto:darempred@ar-redadeg.bzh)

Stagañ : • statudoù an aozadur • roll perzhidi ar c'huzul-merañ • rentañ-kont ar bloaz tremenet gant kontoù, disoc'hoù ha bilañs • rakbudjed ar raktres